

1973

JOHOR BAHRU, 24 JAN (BERNAMA) -- KIRA-KIRA 200 ORANG DARIPADA 900 ORANG PEKERJA KILANG MENAS KEBANGSAAN DI PEKAN MENAS PONTIAN, 37 BATU DARI SINI, HARI INI MELANCARKAN PIKET MEMBANTAH TERHADAP APA YANG DIKATAKAN +LAYANAN TIDAK ADIL OLEH MAJIKAN.+

PEKERJA-PEKERJA ITU JUGA MAHUKAN SYARAT-SYARAT GAJI YANG LEBIH BAIK, FAEDAH-FAEDAH BEKERJA SERTA BAYARAN BONUS TAHUNAN DAN CUTI UMUM.

MEREKA TELAH MELANCARKAN PIKET ITU DI KAWASAN MESS PEGAWAI-PEGAWAI KILANG ITU DIHADAPAN PENERUSI FIMA, DR. MAHATHIR MOHAMMED YANG SECARA KEBETULANNYA SEDANG MELAWAT KILANG ITU, DAN LAIN-LAIN PEGAWAI KANAN KILANG ITU DALAM MASA REHAT MAKAN TENGAHARI.

MEREKA TELAH MERAYU KEPADA DR. MAHATHIR SUPAYA +MEMBELA+ NASIB MEREKA.

PEKERJA-PEKERJA TERSEBUT MELETAKKAN BEBERAPA KEPING POSTER YANG ANTARA LAIN BERTULIS +KAMI BERDIRI TEGUH DIBELAKANG TUN ABDUL RAZAK YANG ADIL.+

WALAU BAGAIMANA PUN PEKERJA-PEKERJA YANG BERPIKET ITU TELAH BERSURAI SECARA AMAN SETELAH BERADA DI SITU SELAMA LEBIH KURANG 15 MINIT.

INI BERIKUTAN DENGAN CAMPUR TANGAN DR. MAHATHIR YANG MENASIHATKAN MEREKA SUPAYA BERSURAI Sambil BERJANJI AKAN MENIMBANGKAN MASAALAH MEREKA ITU. -- BERSAMBUNG 1855/ZCM

MOGOK 2 JOHOR BAHRU

DR. MAHATHIR MEMBERITAHU PARA PEMBERITA KEMUDIANNYA BAHWA BELIAU TIDAK DAPAT MEMBUAT SEBARANG KEPUTUSAN DENGAN MENDENGAR HANYA SABELAH PEHAK SAHAJA TANPA MENDENGAR ALASAN PEHAK MAJIKAN DULU.

DR. MAHATHIR KELIHATAN TENANG MENDENGAR SOAL-SOAL YANG DITIMBULKAN OLEH PEKERJA-PEKERJA, TERMASUK PEKERJA-PEKERJA WANITA, YANG KEBANYAKANNYA BERKISAR ATAS SOAL GAJI SERTA PERATURAN-PERATURAN BEKERJA.

PEKERJA-PEKERJA YANG BERPIKET ITU TELAH MEMBERIKAN TEPOK SORAK YANG BERGEMUROH KEPADA DR. MAHATHIR SEBELUM MEREKA BERSURAI. -- BERSAMBUNG 1927/ZCM

633a

MOGOK 3 JOHOR BAHRU

100

TERDAHULU DARI ITU DR. MAHATHIR TELAH MELAWAT SEBUAH LAGI KILANG MENAS KERAJAAN DI PULAU SEBATANG, LAPAN BATU DARI PONTIAN KECIL.

BELIAU TELAH DIBERIKAN TAKLIMAT TENTANG PERJALANAN SERTA KEMAJUAN KEDUA-DUA BUAH KILANG ITU OLEH PENGARAH KERJA KILANG MENAS KEBANGSAAN MALAYSIA, ENCIK AZIZ YASSIN DAN LAIN-LAIN PEGAWAI.

LAWATAN DR. MAHATHIR ITU IALAH YANG PERTAMA KALI KE KILANG-KILANG TERSEBUT, SEJAK BELIAU DILANTIK SEBAGAI PENERUSI FIMA SEBULAN LALU. -- BERNAMA 1930/ZCM